

تاریخ عثمانی انجمنی

۱ کانون اول
۱۳۳۲

بدیعی سنہ
نومبر ۴۱

مجموعہ سی

کچه جي زاده عزت منلا

(دو حة المحامد في ترجمة الوالد) ناميله کچه جي زاده عزت منلا مرحوم طرفندن تحرير و تاريخ عثمانی انجمنی مجموعہ سنک ۳۷ رقتی نسخہ سيله نشر اولنان اثر کچه جي زاده عالمه سنک استانبولہ هجرت ليله منلا مرحومک بدري صالح افدينک تاريخ وفاته قدر جريان ايدن بعض وقوعاتی محتوی اولوب بوندن صوکره سی حقده يعنی منلا مرحومک ترجمه حاله و صورت گذران حياتنه دائر معلوماتی حاوی اولماسنه و مشاراليه کي بارگاه سلطنت سنده احرار از موقع شرف و شهرت ايتش بر ذاتک متروک و منی بر حاله قالمی - جدم بولمق حيله - يالکيز عاجزلرنجه دکل آتارینی مطالعه ايدن و ايتين معاصرین و اخلافک بيله نزد قدر شناسايرنده تجویز ايديله ميه جکته بناء - وسيله رحمت اولور اميديله - ترجمه حالتي علی قدر الامکان يازمق آرزوسنه دوشه رک شو برقاج صحيفه يي تسويده تشبث ايلدم ايسده عالمه مزه عائد اورا قک ضياعه او غرامی و مرحومک حیات خصوصيه نه واقف هيچ کيسه نك اليوم بر حیات بولنامسی حيله - بر جوق مشکلاته تصادف ايتمکه برابر - و نائق موجوده ايله استحصال مقصده مجبور اولدم .

محمد عزت منلا مرحوم قونوی مضطفي افندی زاده صدور دن محمد صالح افدينک مخدميدر . ۱۲۰۰ تاريخنده استانبولده قدم نهاده عالم وجود اوله رق علی الاصول علوم دينيه و عاليه يي بالتحصيل طريق علميه داخل اولش و استانبول پایه نه قدر ارتقا يلمدر . بدري صالح افدينک ۱۲۱۴ تاريخنده وقوع وفاتی اوزرينه برادر لر ليله

مشرکاً انتقال ایدن عورت بازارنده کاشن کهنه قوناقدن بشقه الله
تقد ومدار معیشتلری بولنامی سبیلہ بک زیاده ضرورته دوچار
اولمندن طولایی حاصل ایتدیکی یأس وفنور ایله اتخاره قرار ویره رک
برکون علی السحر باغچه قپوسندن برقایفه را کباً - وتلف نفه وسیله
جرات اوله جق بریکلک عرقی مستحجاً کوکصویه عزیمت ایتک اوزره -
قوری چشمه ساحلندن مرور ایدرکن یالینک پنجره سی اوکنده صائب
دیوانی مطالعه ایله مشغول اولان مشهور صاحب لغت «خنجرلی بک»
بوکنج منلائک حال و شکلنده مشاهده ایلدیکی اطوار ظریفانه دن استدلالاً :
— اقدی ! بودیوانده کی شویبتدن بویله آکلایورم. عجبا استخراج
موافق میدر ؟

کبی وقوع بولان سؤالی اوزرینه طامش اولدینی حال استراقدن
چیقهرق اوینی تکرار ایتنی سائلدن طلبله لدی التکرار استخراجی
موافق اولدینی بیان ایتبیلہ منلائک علم و عرفانی مع التقدير :

— اقدی ! بیورک برآز استراحت ایدر سکر. بولنده واقع اولان دعوتنه
اجابتی اوکون اتحار فکرنی موقع اجرایه وضعه مانع اولدینی کبی توالی
ملاقات ایله بینلرنده حاصل اولان محبت والفت بالآخره مشهور حالت
اقدی به انتسابه ده دلالت ایتمیشدر. برمدت صکره مرزیفونی قره مصطفی
پاشا احفادنندن اسماعیل مکی بک کریمه سی هبه الله خانم له ازدواج ایدرک :

بودر عزته چار باغ اوله شاد
فؤاد ورشاد و مراد و سداد

یتک ناطق اولدینی اوزره درت نفر اولادی دنیا به کلشدر.
بونلرک برنجیسی بیوک پدرم صدر اسبق محمد فؤا پاشا، ایکنجیسی
بغداد والیسی علی نجیب پاشانک دیوان اقدیسی ایکن بغدادده وفات

ایدن رشاد افندی در [*]. دیکرلری ایسه کنج یاشلرنده مطموناً عازم دارعقی اولشلردر .

برکون جتیمکان سلطان محمود خان ثانی حضرتلرینک حضورهایونلرنده شرفیاب مثول اولدینی صروده قاچ اولادنی بولندینی سؤال بیورلمیله بیت سابقده کوسترلیکی اوزره حرف دال ایله مردف اسلرینی علی الترتیب عرض وتعداد ایتمی بادی بشاشت سینه اوله رق :

— افندی ! بردها اولور ایسه نه تسیمه ایدرسک ؟ یولنده تکرار شرفواقع اولان استفسار عالی اوزرینه ده :

— اللهم امداد ! افندمنر .

صورتنده مقابله لطیفه پردازانده بولنمشدر .

عزت منلا حالت افندی به انتساب ایتمش اولدینی کی هم پایه سی اولدینی حالده مؤخرأ مقام مشیختی احراز ایدن عصمت بک زاده مرحوم عارف حکمت بکک دخی مظهر توجهاتی اولمشدر . حضور هایونه علی الاکثر دعوت اولتور و سربستهجه سولیدیکی سوزلر لطیفه طرزنده تلقی ایدیلهرک بویولده کی اقوالنه قارشی تهور کوسترلمز ایتمش .

مشارالیه حالت افدینک دوچار اولدینی نکال ومقهوریت وحال منکوبیت اوزرینه بتون منسوبینی برر صورته قهر وتعذیب اولنمش ایکن عزت منلا هر نصله تخلص کریبان ایده بیلنش اولدینی حالده ولی نعمته صداقت وحق نان ونمکی صیانت غیرتیه حالت افدینک مدحه واعدا سنک قدحده دائر خصوصاً صدر زمان علیهنده سویلنش اولدینی زباندرازانه سوزلر وبعض اشعار بالاآخره کسانه نفی وتبعیدینه باعث اولمشدر [**].

[*] اخیراً وفات ایدن شورای دولت اعضا فلندن متقاعد عبده ماجد بکک پدریدر . مراد وسداد افندیلر ایوبده او بونجاقیلرا یمنده حبیب افندی درگاهنده مدفوندر .

[**] جودت تاریخنده بحثی جریان ایدن بیت .

اوراده بر سه امتداد ایدن مدت اقامتده « محنت کشان » نامیده معروف اثرینی قلمه آلمشدر [*].

عفو عالی به نائیلته کشاندن غودتنده نزد همایونده و دائره مشیخته کافی السابق احراز موقع قبول و شرف ایش حتی عارف حکمت بکله بر لکده لدی العرض عزت منلا ترجیحاً ۴ شعبان ۱۲۴۳ تاریخنده حرمین شریفین مفتش لکنه تعیین بیورلشدر . بالاخره دوچار جزای تغریب اولسی اسبابه کلنجه :

روسیه به اعلان حرب مثله سنده مداوله افکار ایچون باب فتواده اجتماع ایدن مجلس عمومیده کویا حرب جهتی ترجیح ایش اولدینی حالده سوکره دن هر نه سیه مبنی ایسه تبدیل فکر ایدرک مستقل بر لایحه ایله حرب علیهنده بولنمی سیواسه تبعیدینه سبب اولدینی لطفی اقدی تاریخنده مندرج ایسه اوله بر مجلس عمومیده حرب لهنده بیان مطالعه ایتدکن صوکره بالاخره علیهنده لایحه قلمه آلمی موافق عقل و حکمت با خصوص منلانک معروف اولان منانت اخلاقی ایله حائز مناسبت اوله میهنی وارسته قید اشکال و حضور مجلده کی افاداتنک دشمنانجه اوصورتده تحریفاً تلقی و اشاعه اولنش اولسی اقوای احتمالدر .

مارالذکر مجلسدن مفارقتله خانه سه اثنای عودتنده یولده مصادف اولدینی صرافی منلانک وجهنده علامت تأثر مشاهده ایشیه :

— اقدی حضرتلری! سزی پک متأثر کور یورم، سبی ندر؟

دیمه سه قارشى : — مشهوردر بر مجرمه یوزدکنسکی رسک یوز اوقه صوغائی؟ دیه صور مشر یوز دکنکی ترجیح ایش. بزایه ایکسینه ده یورز!

بولنده جواب ویردیکنی صراف مر قومک او جوارده بولنان کتخدای

[*] خط دستیه محرر نسخه اصلیه نزد عاجزیده محفوظدر .

صدر زمان [*] قوناغندہ حکایہ ایتسی و محاربہ علیہندہ یازدینی لایحہ بی حضور ہایونہ عرض و تقدیم ایتھدن بعض احبابہ کوسترمسی یوزندن حاصل اولان تأثیرات و از جملہ جودت پاشا مرحومک شفاهاً طرف عاجزانہ واقع اولان افادہ نہ کورہ بر آره لق حضور ہایونہ بولنان رئیس الاطبا بہجت افندی بہ عزت منلانک بویولہ بر لایحہ ہعضارایتیکی قرین سمع عالی اولدینی بیان بیورلسی اوزرینہ مشارالہ بہجت افندی بطرقدن :

— اوت ! اولہ بر لایحہ سی وار . قولکزدہ کوردم .

یولنہ واقع اولان افادات غضب شاہانہ بی تحریک و تشدید ایلش و ذیل ترجمہ حالہ مندرج خط ہایوندن مستبان اولہ جنی اوزرہ منلا ہان راحی چفتلکہ جلب ایدیلہ رک بعد الاستجواب سحروقی قلمہ بند اولق اوزرہ سیواسہ نفی اولدینی کبی لایحہ نک تحریرندہ کندینہ معاونندہ بولنان صاحب منشآت مناسرتلی راسم افندی دخی قبریہ تبعید اولنمشدہ . لایحہ مباحوث عنہایہ جواب اولق اوزرہ سلطان محمودخان حضرتلری عاکف پاشا طرقندن تحریر و برتو پاشا قلمیلہ تصحیح و تعدیل ایدیلن بر لایحہ ایلہ منلانک حرب علیہندہ کی افکار و مطالعات صائبہ سنی رد و جرح ابتدیرمک ایستہ مش ایہدہ جریان وقوعات مع التأسف منلانک اصابت رأینی اثبات ایلش و محاربہ صوکلرندہ روسلر اوزرینہ طوغرو ایلرولدیجہ منلا مرحوم « امان یار بی بی یالانچی جیقار » یولندہ جناب حقہ تضرع و نیاز ایتمککہ برابر :

یوق تدابیر پادشہدہ قصور
جیش جنک ایتجنجہ نیلر شاہ
باقہ یارب سواد رویمزہ
بزدہ چوقدر اکرچہ جرم وکناہ

[*] بودفہ انشا اولنان پوستہ خانہ علیدر .

لیک لایقنی سرنگون اولسون

علم لا اله الا الله

قطعه‌سی سولشدور .

مجلس والا رئیس رفعت پاشا مرحومك نزد عاجزیده موجود بر
مجموعه خصوصیه‌نده بووقعه‌یه دائر یازمش اولدینی فقراتی ده بوجه
زیر درج وتزییر ایدیورم :

نفی تقریب عزت منلا وراسم افندی

« استانبول پایه‌سی احراز ایتمش اعظم‌موالی فخامدن وزیده‌شعرا
عصردن کیچه‌جی زاده عزت منلا افندی بو وجهله سفر هماپونه تشبث
اولندیقی قبیح وبهمه‌حال مصالحه طریقّه باقلسنی حسب‌الحال محاربه‌یه
ترجیح ایدرك اولباده بر قطعه لایحه قلمه آلوب ایجاب ایدن محله
تقدیم ایتمکسزین شوکا بوکا ارايه ایتمش اولدینی واصل سمع عالی‌اوله‌رق
ذکر اولنان لایحه حضورهماپونه جلب‌ایله لدی‌القرايه افندی مومی‌ایله
بو وجهله تقویه وحرکته ابتداری خلاف رضا‌عد ایله قبریسه وبوباده
کندبسنه‌تحریر لایحه مذکورده‌ده معاون اولان دفتردار افندی کیسه‌داری
راسم افندی ردوسه نفی وتقریب وبرقاج کون صوکره بونلرك بو‌صورته
حرکتلری تمیج غضب شاهانه‌یی موجب اوله‌رق حقارنده اویفونسز
اراده جلادت عاده صدورایتمش ایکن بعض شفاعت ایله مومی‌ایله عزت
منلائك طریق حك ایله قلمه‌بند اولمق اوزره منافستك سیواسه تحویلی
ومرقوم راسم افندی‌نك دخی خواجه‌لنك رفی ایله اکتفا اولنوب
منقارینه تسریب قلندی . بیچاره عزت منلا چوق کچمه‌دن منفاده درد
جانکاه مرض‌ایله مبتلای اینن‌وآه وعاقبت او طرفده متواری خاك سیاه
اولدی . افندی مومی‌ایله فطین وعافل وعواقب احوالی تفکر ایدر
برمرد کامل اولدیندن ماعدا شعر وکفتارده ثانی سامی وانشاوکتابنده
عدیل ویسی ونانی برذات عالی ایدی . رحمة‌الله علیه »

عزت منلانک « بہار افکار » [*] نامندہ کی مرتب بر دیوانی ایلہ
سیواسدہ یازمش اولدینی « خزان آثار » ندن بشقہ « محنت کشان »
و « کلشن عشق » نامندہ کی متویاتی و متعدد لایجہ لری واردہ .
مشاہیر چلیان مولویدن ہمدہ جلی حضرتلرینک آثار مرحومی
تقدیراً سولش اولدقلری :

ہمدہ دیوان عزت سودیکم منلای روم
ایجدیکمدر جام وحدت طولدیران کیمدر دیم

بتی منلا مرحومک آنارینک تزد ارباب فضل و کمالہ نہ درجہدہ
بر موقع عالالعال اشغال ایستدیکنہ دالدر .

مرحومک مفادہ بولندینی ائنادہ دخی پادشاه زمان حقندہ ہیج
بر وجہلہ مغبرالخطر اولدیفنہ وولی نمستہ نہ درجہدہ صداقت و محبت
بسدیکنہ سولش اولدینی متعدد و متنوع قصائد و سائرہ دلیل و برہاندر .
کندیسی عفت و استقامتلہ معروف اولدینی کبی سوزی موقعندہ صرف
ایتمکدن چکنمز و ہر یردہ متوکلاً علی اللہ صوک سوزی ابتدا سولمکدن
کری طورمازدی .

کمرکچی مشہور طساغلی بول پاچہ احمد اغانک بکمر بکنندہ سرای
ہمایون جوارندہ یابدیرمش اولدینی جامتلیجہ بریالی ہرنصلہ اقدینک
اعصابنہ طوقونور . مجالس و محافلہ (حریف سرای قدر یالی یابدیردی)
کبی سوزلر صرف ایتمکہ باشلار . بوسوز احمد اغانک کوش سمعہ واصل
اولنجہ (بو آدم بنی دیلنہ طولادی باشمہ بر فلاکت کتیرہ جک) دیہ
خوف و تلاشہ دوشہرک تطیب قلب و خاطرینی جلب ایتمک املیلہ اغا
کندی دیوان اقدیسی و منلانک انشہسی بولان نافذ پاشانی بالتوسیط
منلایی یالی بہ دعوت ایدر . منلا اقدی دعوت واقعہنی قبول ایدرک
قابقلہ ریختہ یا تاثیرکن اغانک کتخداسی و یالی قپوسدن کبرکن حولیدہ
[*] بہار افکارک دخی خط دستیلہ محررنخہسی تزد عاجزیدہ محفوظدر .

اذا طرفدن استقبال ایدلیدیکنده درحال مقصده انتقال ایلر . عودتده
دخی ینه عینی تشریفات و تعظیفات ایله تشییع اولنور . قایمه بیتجه
اوزمانك عادت و اصولی اوزره اوکنه برده بوغچه وضع ایدیلیر . قایمك
انهای حرکتده ملا اقدی ینه سوزنی و اوزنی دکیشدیرمه رك كتخدایه
خطاباً :

— بوغچه خوش یولنده . فقط یالی آغایه ینه بیوک ! ینه بیوک !
دیمشدر .

درجه نهاده سودیکی زوجہ سی سربالین احتضار اولنجه (اگر
خاتم بدن اول وفات ایدرایه قوناغی یاقارم) دیه رك فی الواقع مرحومه
کندندن اول ارتحال ایدنجه یانغین ایقاعی مقصدیله آیاغنی اوروب منقلی
دویره رك آتشری اورتالغه طاغندی کی خانه آشانی توابع و خدامه
یاغما ایندیرمش . حالوکه اون بش کون صوکره یکیدن تاهل ایدنجه
(کاشکی مرحومه آلتی آی اول وفات ایدمیدی) دیمشدر . نیک و بد
هیچ بر علم وضعتی رد ایتیه رك تحصیل موجب فوائد اوله جفنی تلقین
یولنده فوآد باشایه :

— اوغلم! هریشی اوکر نمکه غیرت ایت . ولوکه طاقلا آتقی بیله اولسه .
شاید بر کون لازم اولور . دیرایمش .

§ یوقاریده کچدیکی اوزره محاربه نتیجہ سی مثلاً مرحومك اصابت
وایی اثبات ایتیمی اوزربنه بنیر حق هدف غدر اعدا اولدیغی نزد
شاهانه ده تحقق ایلیمیه عفو و اطلاق حقنده فرمان عدالت نشان هایون
اصدار و سیواسه تسیار اولنش ایسه ده فرمانك شهره ورودندن بر
ایکی ساعت اول منلانك مرغ قفس بند روحی ارجی امر جلیل جهان
مطاعنه اتباعاً لانه علیینه پرواز ایتمش یولمنه بناء ذکر اولتان فرمانك
جریان حکمنه امکان قالماقله برابر تبرکاً کوکی اوسته وضع ایله برلکده
دیفین خاک غفران ایدلیدیکی روایت اولنور .

عزت شاعره ده قیدی جهان

تاریخی شیخ الاسلام عارف حکمت بك طرفدن سويلنشد.

سیواسده بر عصر دنبری مدفون بولندینی قبرستان محلك پارق
حاله افرانگی اخیراً والی بولنان معمر بك طرفدن تصور و تنسیب
ایدلندن طولانی عظامك اورادن چقاریله رق ابدیاً منی و مهمل
قاله حق صورتده بر محله دفن ایدلك اوزره اولدینی کچنلرده استخبار
اولنسی اوزرینه بقیه عظامی محلی استیاف مدعی عمومی اقرای
عاجزیدن آصف بك همیله مخصوص بر صندوقه وضع ایله استانبوله
کتیردش وعورت بازارنده جانبازی محلهنده کائن مصطفی بك مجدی
حولینده کی قبرستانده «کچه جي زاده» خطیره نه پدري تزدینه دفن
ایله ودیعه رحمت رحمان قلمشدر.

معاصری بولنان خطاط شهر یاری زاده مصطفی عزت افندیدن
بحث اولدینی صروده: «افندیه ایکمز بر آدمز. بن اوقورم، افندی بازار.»
کی لطیفه ده بولنور ایش.

بر کون اولجه بحثی جریان ایدن خنجری بك یالینده علم حدیثه
دائر ایدیلن مباحثه ده علمی کوه سنی لایس بولنان جهلادن بری بك
بو بایده اولان وقوقه حیرتده قاله رق افندی به خطاباً: «جانم بو ذاتك بو
درجه فضل و کمالی اولسونده مسلمان اولسون!»، کی: «افاده نه امان
افندی، سن شو جهلکله نیچون تنصر ایتیمورسك؟»، جوابیله مقابله ده
بولنشد.

.*

سارافکار نام اثرینی جلال الدین رومی حضرت تلییه و «خران آثار»
نام اثرینی ده حضرت نقشبند هدیه ایتدیکنه دائر اولان غزلیاتندن
بر بیت بوجه آتی درج اولنشد:

بہار افکار

منلای رومک کتر کداسی ایتدکده نظمک تنظیمه همت
 هر بر غزلده نام شریفک یادیلہ قیلدی عرض محبت

خزان آثار

روحی فدایک ای کل کلزار نقشبند
 اولدم هزار جانم ایله زار نقشبند
 اولکی اولدی عارف رومک عوارفی
 دیوان دیکرم اولہ آثار نقشبند

مخدومه بر نصیحت پدرانہ اولہ رق سویلیش اولدینی منظومہ عیناً
 درج اولندی :

اوج صفاده لانه بدوش فراغت اول
 همچون ما سعادت هرتاج دولت اول
 هر سعد ونحس طالعه حق قسطن ویرر
 بوم اولہ ایک گوشه کزین قناعت اول
 باغ جهاتده قوقلابه تک بورنی دوشسون
 کل کیبی حسن خلقله دردست رغبت اول
 زمان کیبی کمالک اکر واوره هرکه
 جوهر نمای درج دهان بشاشت اول
 بو قریة خرابه مقین انچه التفات
 ملک دورنده خسرو تخت ولایت اول
 حلوا کیبی میانه عالمده بول رواج
 همیزم سور ومام ارباب صحبت اول
 گوش ایله نصحنی پدر پیرک ای فواد
 هر کارده دیم سکا مانند عزت اول
 آیرله باب حضرت مثلاً جلالدن
 اول در رجام مظهر فیض کرامت اول

* *

آئیده کی خطها یون خسرو پاشا اوراقی میاننده ظهور ایدوب ترک سنک تحریریه
 مأمور اولوب بالاخره صدوردن اولان احمد نجیب افندی مرحومک نزدنده

حفظ ايدلس و عهدوملری شورای دولت اعضاالفندن متقاعد و حید بك افندی
حضرتلرئيك مساعدلرله فطوغرافیسى آلتش و كچن اقسرائ یانغیننده نسخه
اصلیه مع التألف محترق اولمدر .

خط هایون

سر عكر پاشا

دونكى كون سن و قائمقام پاشا و رئیس اوچكز حاضر اولديكز حالدہ
معهود عزت و رفیقى راسم ایچون نوجهله مذاكره اولندينى و قائمقام پاشایه
افندی داعیمز امر و اراده شاهانه مزك نكونه افاده اوله جنی طرف هایونزدن
سپارش و تنییه قلمش اولدینی معلومكدر . خصوص مذكوره یه دائر افندی
مشارالیه داعیمزك سلحداران طرفنه شدی برتذكره سی ورود ایتمش مرقومك
طریقندن حك اولنديفتدن بجنله اولادلرینه مرجه اعدای خصوصنده عفو و مرهمت
قلمسی نیاز ایدر . انجق مرقومك متجاسر اولمش اولدینی قباحث آخر شیته
مقیس اولیوب شوكونكى كونده بوندن بیوك خیانت و اضلال عالمی موجب اوله جنی
فضاحت اولمامفله نظام عالمك وقایه سیچون ازاله سی فرض منزله سنده اولدینی
ظاهر در مشارالیه داعیمزك اول امرده تهور كوستردكدن مكره عفو اولنسی
صورتی كوسترملری محب قائمقام پاشانك افاده سنده قطعی اراده مز اولمامسندنی
اقضا ایدبور . بوخه طریق بیننده بو خصوصیچون لوم و مذمتنده اولورلر
خلباسنه مابیش اولمردننی لازم كله بور و الحاصل مرقومانك ایلروكى مطالعه یه
كوره بویله طورملردنن ایه كرك سراً و كرك علناً ترتیب جزالری اقتضای
حالدن كورینور . معاذ الله تعالى بونلك طومش اولدقلى اصول تفرقه بی موجب
اوله جفتدن بشقه دخی نیجه نیجه خساراتی مستلزم اوله جنی ادنی ملاحظه ایله
معلومدر . سن بوخصوصی رئیس ایله محرمانه سولشوب طرف هایونه رأی
و قراركزی عرض ایدم سن برده شوعا كر منصوره مزك كاه اوتیه و كاه برویه
نقل و حركتلى جهنله زده لملری خدا حقیچون ذامی دلخون ایتمكده در
وسر عكر قائمقامی خلیل پاشانك ادرنه به جلبی خصوصی امر ایتمش ایه مده
بوکیجه مطالعه ایلدم صدراعظم اردوسی شمنیده قشله یه جنی اولدینی حالدہ مشارالیه
خلیل پاشانك ادرنه به نقلی بو طرفدن كوسترلش اوله مأمورین بیننده برودن
موجب برکیفیت اوله جفتدن مجرد ذات مصلحتی خللدن وقایه بو طرفدن بوكا دائر
شی یازلنی تنیب ایتمدم بقلم انلك رأی و قرارلری نوجهله اوله جنی بیلندكدن
مكره اكاكوره اقتضاسنه باقیلور ربم تعالى دولت علیه مز حقنده خیرلو نتیجه
احسان ایلله آمین .

تاریخ قلہ حریق

حق ہو کم سلطان محمودک سرای شوکتہ
 بر نظیری کلہ مشدر اولہ لی دنیا بنا
 بانی اندیشہ سی تجدید قیلدی دولتن
 کہنہ بینان جہانی ائمہ دہ حالا بنا
 ایلوب اسکی سراین باب سرعکر او شاہ
 نوبنو با بقده آندہ بر نیجہ اعلا بنا
 امر اولوب سرعکر سابق حین غازی یہ
 بولدی بوقاف شجاعت قلہ رعنا بنا
 ایلوب سرعکر لاحق نظارت حنہ
 آئی معنای ایلدی کویا ایکی پاشا بنا
 روزدن افلاکدن باقدقہ زیر پایتہ
 اولسہ زرین کلامی آسمانہ منہی
 عرض ایدری زرعللہ کوکب زہرا بنا
 دار ملکی ایتمون بوقلمہ بہ محتاج حق
 زینتیچون پامش اولسون شاہ ملک آرا بنا
 قلہ افلاک طور دقہ او شاہک ایلسون
 ذروہ چرخہ اساس شوکتی مولا بنا

صانکہ طاق چرخہ یازدم عزنا تاریخی
 قیلدی خان محمود عدلی قلہ والا بنا

۱۲۴۴

حریق قلہ سنک جائزہ سی اولہرق احسان اولتان بش کیسہ بی عاکر
 منصورہ شاہانہ یہ ترک وتبرع ایلش اولدینی حقندہ سرعکر زمان اغا حین
 پاشاہ تخریرانیدر :

ہر عزمتکہ بر حضر خدا رہبرک اولسون ہ امداد خدا عزوجل لشکرک
 اولسون ہ نشیدہ منجہ طرہ توغ پرفروغلی خوای دلکشای نصرت بالصبا ایلہ
 شانہ زدہ نیم نصرت و ناصیہ حال اعدالری مضمون تفرقہ عون ایدی سبا ایلہ

وقم پذیر خیت دعا لرله معکر مساد سحرده خیام افکن مواطبت و تکرار
تذکار مناقب سنیه الانار لرله ترتیب ساز صفوف مداومت اولدیم دولتو عنایتلو
عاطفتلو ایمنلو ولی نعمت بیتم افندم حضرتلری اساس انداز قلعه نه قله آسمان
صرح معالی طرح دستور یلرنده نقش کتابه مکارم اخلاق ایتش اولدینی سجه
کتر نوازی و خاطر سازیلری مقتضاسجه فارس الخیل میدان محاسن تدبیر اولان
افکار صائبه لری مضار مشاغل سفریه ده مطیه دان و کیت کروفر جلادتلری عرصه
خطوب جیهده بکجولان ایکن تلطیف بنده احتقرلری وادیلرینه عطف عنان
بیوریلره رق ارسالی احسان بیوریلان فرماننامه آصفانه لری انله زبب وصول و باب
سرعکریده انسا اولنان قله بالاقامت موزون اندام خرامنده جلوه کاه حسن ختام
اولسبله تقدیم خاکبای ولی النصیرلری قلنان تاریخ بندکانم احانلری اولان بش
کیسه آغه عطیه بیته خاتم شیعیلری دخی حیز پیرای حسن وصول اولوب اگرچه
دوچار اولدقلری مصارف سفریه آرمسند برفاچ بیتجکر ایچون اقتضا ایتمش
ایسه ده سائق توفیق خداوند مجیب موکب هایون حضرت صاحبقران اسکندر
نصیب افندیمری دارالمینه ادرنیه سوق و تشریر ایدرایه الطیب للطیب شکستهجه
ینه راه جهاده صرف اولمغه حری اولقین داعیلرین خارج از حیطه تعبیر
واشعار مسرور و منتدار ایده رک ایفای تشکر و عمدتکاریسی سیاقنده هر تقدیر
حواس خسته ظاهره و باطنه اعمال اولنه خمی ادا اولنه میه جی رونما اولفله
هان جناب خدا بحق خسته آل عبا وجهه لوی میامن التوالرین صف آرای فوز
وظفر و آینه شمشیر صرخ تاثیرلرین چهره نغای فتوحات جلیله الاثر الیسی
ادعیه سی ضمیمه اوراد پنجگانه قلندینی بیانی ذریعه عرض اختصاص اولندر .
انسا الله تعالی لدی اشرف الوصول دعای دولتلرنده با برجای استقرار اولدیم
علم جهان احاطه خدیو یلرینه موصول بیورلق باینده امر و فرمان دولتو عنایتلو
عاطفتلو ایمنلو ولی نعمت بیتم افندم حضرتلرینکدر .

• عمرم اولدجه اونو تمام سنی سلطانم بن • ایده هم حقکی انکارا ونودیرسه کدخی سن •

یافت نام ز عمدت

فی ۱۵ را سنه ۴۴

کجه جی زاده

رشاد فواد